

Headlines

- रामबन जिले च जम्मू-श्रीनगर राश्ट्री जरनैली शिड़का पर बैटरी चश्मा कोल होए दे दुखदाई शिड़क हादसे च 10एं जनें दी मौत होई गई ऐ। राश्ट्रपति, प्रधानमंत्री, डॉक्टर जितेंद्र सिंह ते लेफ्टिनेंट गवर्नर मनोज सिन्हा होरें इस हादसे पर दुख प्रगट कीता ऐ।
- प्रधानमंत्री नरेंद्र मोदी होरें आखेआ ऐ जे टेक्नोलॉजी, राई-बाई, सेहत ते शिक्षा क्षेत्र च बड़ी भूमिका नभाई सकदी ऐ।
- चुनांऽ कमीशन दी सी-विजिल ऐप च हुनै तोड़ी 79 ज्हार कोला मतियां शकैतां थ्होइयां न।
- चुनांऽ कमीशन नै जम्मू-कश्मीर दे सब्बनें पंजे संसदीय चुनांऽ हल्के न, दो-दो केंद्री निगरान तैनात करने दा फैसला कीता ऐ।

<><><><><><>

Accident-Ramban

रामबन जिले च अज्ज जम्मू-श्रीनगर राश्ट्री जरनैली शिड़का पर बैटरी चश्मा कोल इक यात्री गड्डी डूंगे नाले च रूलकी जाने करी घट्टोघट्ट 10एं जनें दी मौत होई गई ऐ। आकाशवाणी दे संवादाता नै खबर दिती ऐ जे एह हादसा अही रातीं दे मगरा होआ। इस गड्डी पर बाहरले राज्ये दे मते सारे मजदूर सवार हे। एह गड्डी इक ज्हार फुट डूंगे नाले च जाई पेई। मुकामी प्रशासन हादसे आहली थार पुज्जी गोआ। उमां चुनौती आहला इलाका, न्हेरा होने ते बरखा करी बचा कार्रवाई तुरत शुरू नेई कीती जाई सकी। हुनै तोड़ी 10 लोथां बरामद कीतियां गोइयां न। बाहरले राज्ये दे एह मजदूर कश्मीर च कम्म करने लेई जा करदे हे। एल्लै तोड़ी मरने आहलें दी स्हेई गिनतरी ते कुसा दे जींदा बचने बारै कोई जानकारी नेई थ्होई ऐ। बचाऽ कार्रवाई चला करदी ऐ। राश्ट्रपति द्रोपदी मुर्मू होरें इस हादसे पर जानी नुकसान होने पर बसोस प्रगट कीता ऐ। इक्क सोशल मीडिया पोस्ट च राश्ट्रपति होरें मरने आहलें दे परिवारें कन्नै संवेदना जाहिर कीती ऐ। डॉक्टर जितेंद्र सिंह होरें इस दुखदाई हादसे पर जानी नुकसान होने पर दुख प्रकट कीता ऐ। उपराज्यपाल मनोज सिन्हा होरें रामबन शिड़क हादसे पर डूंगा दुख ते बसोस प्रकट कीता ऐ। उपराज्यपाल होरें अपने शोक संदेश च आखेआ जे उनेंगी रामबन च मंदें भागें आहले शिड़क हादसे दा पता लगाने मगरा डूंगा दुख पुज्जा ऐ जेदे च बेशकीमती जानी नुकसान पुज्जा ऐ। उनें मरने आहलें दे रिश्तेदारें गी सब्बै सहायता पजाने दे जिला प्रशासन ते डिजिवनल कमिशनर होरें गी निर्देश दिन्ते न।

<><><><><><>

PM-Ex Gratia

प्रधानमंत्री नरेंद्र मोदी होरें जम्मू-कश्मीर दे रामबन च होए दे शिड़क हादसे पर दुख प्रकट कीता ऐ। उनें मरने आहलें दे सक्के सरबंधियें गी प्रधानमंत्री राश्ट्री राहत फंड चा दऊं-दऊं लक्ख रपे दी फौरी सहायता देने दी घोषणा कीती ऐ। घायलें गी 50-50 ज्हार रपेआ दिता जाग। मोदी होरें मरने आहलें दे परिवार आहलें कन्नै संवेदना जाहिर कीती ऐ ते घायलें दे तौले बल होने दी कामना कीती ऐ।

<><><><><><>

PM-Bill Gates

प्रधानमंत्री नरेंद्र मोदी होरें आखेआ ऐ जे डिजिटल सार्वजनिक बुनियादी ढांचा अपने आपै च बड़ी जरूरत ऐ ते सरकार सब्बे ग्राएं च डिजिटल सुविधाएं गी बदा'रदी ऐ। लोकें दे हित आस्तै कम्म करने आहले बिल गेट्स कन्नै गल्लबात करदे होई उनें आखेआ जे टेक्नोलॉजी राई-बाई, सेहत ते शिक्षा क्षेत्रें च बड़ी भूमिका नभाई सकदी ऐ। मसनूई ज्ञान उप्पर श्री मोदी होरें आखेआ जे अगर अस्स आलस दे मारे औदे उप्पर निर्भर रौहगे तां ओहू गलत रस्ता ऐ। उनें आखेआ जे अगर इसी जादुई उपकरण दे तरीके नै इस्तेमाल करगे तां बड़ी मती बेन्यायी होग। उनें आखेआ जे मसनूई ज्ञान बड़ा गै सेही उपकरण ऐ, मगरा इसी विजन सेही सिखलाई दे कुसै गी दिता जा, एहदा गलत इस्तेमाल होई सकदा ऐ। प्रधानमंत्री होरें आखेआ जे सरकार समुदाय दे अंदरा

औने आहली उभरदी प्रतिभा लगातार योगदान देई सके ते लोकें च टेक्नोलाजी लेई भरोसे गी बढावा देना यकीनी बनाने च बचने बज्जी दी ऐ। उनें आखेआ जे जानकारी दी सुरक्षा मुख् प्राथमिकता ऐ। उनें आखेआ जे भारत दा कनूनी खाका तैयार ऐ ते सार्वजनिक जागरूकता बी बडी महत्वै आहली ऐ।

<><><><><><>

Govt. Wheat

सरकार नै कनकू दे भंडार दी स्थिति बारै घोषणा करने गी लाजमी बनाने दे आदेश दित्ते ना। उपभोक्ता मामले, खुराक ते सार्वजनिक बंड-बिक्री सरबंधी मंत्रालय नै अज्ज आखेआ ऐ जे सब्बनें राज्यें ते केंद्र शासित इलाकें च कारोबारी, थोक बपारी, परचून आहलें, परचून दी बड्डी हट्टियें गी पैहली अप्रैल सवां अपने कनकू दे भंडार दी स्थिति बारै घोषणा करनी होग। इयां अगले आदेश तोडी करना होग। मंत्रालय नै आखेआ ऐ जे पूरी चाल्ली खुराक सुरक्षा दा प्रबंधन करने, जमाखोरी ते सट्टेबाजी गी रोकने लेई एहू फैसला लैता गेआ ऐ। सब्बै श्रेणियों दी संस्थाएं आस्सेआ चौलें दे भंडार दी स्थिति बारै पैहले सवां गै घोषणा कीती जा करदी ऐ। कोई बी संस्था जेकर पोर्टल पर पंजीकृत नेई ऐ तां ओहू मंत्रालय आस्सेआ उपलब्ध पोर्टल पर अपने आपै गी पंजीकृत करी सकदे न ते फी उनेंगी हर शुक्रवार कनक ते चौलें दे भंडार दी स्थिति बारै घोषणा करनी होग। खुराक ते सार्वजनिक बंड बिक्री आहला मैहकमा मुख् च कनक ते चौलें गी सौख् उपलब्ध कराने गी यकीनी बनाने लेई भंडार दी स्थिति बारै नेडमी नजर रक्खा करदा ऐ।

<><><><><><>

Gem-Record

सरकार दी ई-बजार जेम मजूदा माली बरे च सकल माल मुल्य रिकार्ड 4 लक्ख करोड रपे उप्पर बंद होआ। पिच्छले माली बरे दे मकाबले जी.एम.वी दूना होई गेआ ऐ। नमीं दिल्ली च मीडिया गी जानकारी दिंदे होई जेम दे सी.ई.ओ पी.के सिंह होरें आखेआ जे इस पोर्टल राएं सार्वजनिक खरीद च नायाब डिजिटल क्षमताएं ं ते कम्मकार लेई समर्थ, पारदर्शिता ते स्हेई तरीकेकार दी सुविधा दिती ऐ। उनें आखेआ जे सकल माल मुल्य दा कोई 50 फीसद जेम उप्पर पिच्छले माली बरे च सेवाएं दी खरीद 205 फीसद दा सेवाएं दी खरीद च बाद्दे गी दर्शाने च लाया गेआ। श्री सिंह होरें आखेआ जे वोकल फॉर लोकल, इक जिला इक उत्पाद, स्टार्ट अप रनवे पैहलें राहें जेम पोर्टल नै मकामी बपार दे विकास लेई इक म्यारी सतह उपलब्ध कराई ऐ। वन्ज बपार सरबंधी अतिरिक्त सचिव अनन्त स्वरूप होर बी इस मौके मजूद हे।

<><><><><><>

ECC-Vigil-App

चुनांऽ दी घोषणा दे बाद चुना आयोग दी सी.विजिल ऐप उप्पर अज्जै तोडी कोई 79 ज्हार खलाफवर्जी दियां शकैतां आइयां ना। चुनांऽ आयोग नै इक बयान च आखेआ ऐ जे कोई 99 फीसद शकैतें दा नबेडा करी लैता गेआ ऐ ते 89 फीसद दे कौल-काल शकैतां 100 मेटें च गै हल करी लैतियां गेइयां। 500 शकैतां गैर कनूनी होर्डिंग ते बैनरें खलाफ थ्होइयां हियां, 1400 शकैतां पैहें, तोहफें ते शराब बंडने कन्ने सरबंधत हियां, त्रै फीसद दे कौलकाल संपत्ति गी नुकसान पजाने सरबंधी शकैतां थ्होइयां हियां। 535 शकैतें चा 529 दा नबेडा करी दिता गेआ जेडी जे हथियार ते धमकी सबरंधत हियां। 1 ज्हार शकैतां प्रचार अभियान समय सीमा खत्म होने दे बाद जिस च स्पीकर दा इस्तेमाल ते समय कौला मते समय लेई करना शामिल ऐ। सी-विजिल चुनांऽ आयोग दी इक्क गैहू दा हिस्सा ऐ जिस च डिजिटल टेक्नोलॉजी दा इस्तेमाल आजादाना, पारदर्शी ते कुसै बी लुभ-लालच दे चुनांऽ कराना ऐ।

<><><><><><>

Central-Observers JK

चुनांऽ आयोग नै सब्बै मतदान केंद्रें च सब्बै 5 पार्लिमानी हल्कें च दो-दो केंद्री निगराने दी तैनाती जिल्लै कि केंद्र शासित प्रदेशें दियां चुनांऽ प्राधिकरण भलेयां लौहकी सतह दे निगरान तैनात करने दा फैसला लैता ऐ। साहडे आकाशवाणी संवाददाता दी रिपोर्ट मुजब इंदे चा इक निगरान आम तौरा दी सतह दे निगरान ते दुआ खर्चा अखराजात सरबंधी निगरान होडन ते ओहू अपनियां सेवा देडन। केंद्रीय निगरानें गी दिती दियें पार्लिमानी हल्कें दा दौरा लाडन ते औंदे लोकसभा चुनांऽ आजादाना, साफ-सुथरे ते पारदर्शी तरीके नै कराना यकीनी बनोआग। इयां गै जम्मू-कश्मीर दे मुख् चुनांऽ अफसर 5 लोकसभा सीटें च

सबबै 11 ज्हार 629 मतदान केंद्रें च भलेयां लौहके निगरान तैनात करडन तां जे मतदान आहले ध्याडे प्रक्रिया सुचारू ढंगै नै होई सकै। वोटरें दी गिनतरी आहले ध्याडे 4 जून गी सबबै गिनतरी आहले केंद्रें च भलेयां लोकें निगरान तैनात कीते जाडन। जेकर मौसम खराब होआ तां इमरजेंसी समयान ते कर्मियें गी हवाई जहाजें राएं कडुने दी बी योजना तैयार ऐ। चुनांस प्राधिकरण नै समूलचे केंद्र शासित प्रदेश च नैई नेकां थाहें दा पता लाया ऐ जित्ये ऐसे हालात बनी सकने ना। इनें इलाकें च किशतवाड दे मढवाह, वाडवन, दच्छन, मचेल ते पाडर इलाके ना। कुपवाडा जिले दे करनाह, केरन ते माछिल ते बांडीपोरा जिले च गुरेज, तुलेल ते बाकतोर इलाके शामिल ना।

<><><><><><>

SC-Voter

जिला साम्बा तैहत बाडी ब्राह्मणा तहसील दी तरोर ग्रांस दे 91 बरें दे बुजुर्ग मतदाता रतन चंद शर्मा होरें लोकें गी औंदे लोकसभा चुनांस च अपने मतदान दे हक्के दा इस्तेमाल करने ताई प्रेरित करा रदे ना। उनें आखेआ।

<><><><><><>

Good-Friday

इसाई मसीह हुंदे बलिदान गी चेत्ता करदे होई अज्ज दुनिया भरै च गुड फ्राइडे मनाया जा करदा ऐ। ईस्टर संडे कोला पैहलें शुक्रवारें गुड फ्राइडे मनाया जंदा ऐ। गिरजाघरें च प्रार्थना कीतियां गेइयां। गुड फ्राइडे गी होली फ्राइडे, ग्रेट फ्राइडे, ब्लैक फ्राइडे ते ईस्टर फ्राइडे दे नांस कन्नै बी जानेआ जंदा ऐ। इस मौके पर लोक इक्क-दुए दी खुशी दी कामना करदे ना। 31 मार्च गी ऐतवार मगरा ईस्टर मनाया जाना शुरू होई जाग।

<><><><><><>

PM-Good Friday

प्रधानमंत्री नरेंद्र मोदी होरें गुड फ्राइडे दे मौके पर ईसा मसीह हुंदे बलिदान गी चेता कीता। इक्क सोशल मीडिया पोस्ट च श्री मोदी होरें आखेआ जे अज्ज गुड फ्राइडे दे मौके पर अस्स ईसा मसीह हुंदी कुर्बानी गी चेत्ता करने आं। उनें मेद प्रकट कीती जे ईसा मसीह हुंदे आस्सेआ थ्होई दी दया ते क्षमा दे संदेश कन्नै हर कुसै गी मजबूती थ्होग।

<><><><><><>

EOJP-DCCC

5 जम्मू पार्लिमानी हल्के दे खरचा अखराजात सरबंधी निगरान समाथा मुलामुडी होरें जम्मू दे रिटर्निंग अफसर दे दफतरें च जिला रोकथाम ते शकैत केंद्र दे कम्मकार दा जायजा लैता। उनें गांधी नगर च मीडिया कंट्रोल सेंटर दा बी दौरा लाया ते कम्मकार दा जायजा लैता। दौरे दौरान उनें केंद्र दे सेही कम्मकाज लेई जरूरी दिशा-निर्देश दित्ते जे सहायक खरचा अखराजात सरबंधी निगरान गी चुनांस सरबंधी खर्चे दे बक्ख-बक्ख पैहलुएं दे बारे बी जानकारी दित्ती। उनें जिले च बक्ख-बक्ख स्टेटिक सर्विलेंस टीम दे कम्मकार दा बी जायजा लैता।

<><><><><><>